

Certissimum autem est ex eorum descriptione, quòd mulie-
ribus facta fuerit prima resurrectionis Dominicæ manifestatio:
hæ enim Christum inde ex Galilæa sequuta die parasceves sub cru-
ce steterant, monumentum atq; in eo corporis Christi situm vide-
rant, ac revertentes unguenta sua aromatica paraverant, & *una*
seu *primâ* Sabbatorum h. e. *die Solus*, quam nunc *Dominicam* ap-
pellitamus, ad sepulcrum exiverant, Christi corpus uncturæ: quæ
manifestatio facta est per *sepulcrum vacuum & Angelicum testimo-*
nium. Quod cum mulieres nunciavissent Apostolis congregatis,
quamquam plerisq; fabulæ viderentur aniles & mendacia, Petrus
tamen & Johannes hoc nuncio permoti celerrimo gressu matura-
to ad sepulcrum excurrerunt.

Ipse itaq; Christus resuscitatus *primò omnium*, dicente Marco,
apparuit Mariæ Magdalenaë, non Mariæ matri, uti quidem Baro-
nio, Torniello, Ludovico Carthusiensi, Ruperto Tuitiensi & aliis
scriptoribus Pontificiis hæc in parte pollicem premit Hieremias
Drexelius: non enim probabile modò, sed etiam planè certum
est, quòd Maria mater ejusmodi manifestationibus & apparitioni-
bus non indiguerit, ut quæ vaticinia de Resurrectione sui Filii pro-
bè novisset. Magdalena verò, ad Domini conspectum obstupe-
scentibus Angelis vultuq; motu & gestu eundem vidisse significan-
tibus, retrorsum conversa videt stantem JESUM, sed nondum il-
lustrata cognitione Christi ipsum putat esse hortulanum, tandem
ex voce agnoscit, quem ex formâ externâ affectibus præpedita
agnoscere nequivit, ideoq; cum gaudio & exultatione Magistri ti-
tulo eundem compellat, ante eum procidit, ejusq; pedes amplexa-
ri cupit, quod tamen Christus prohibet, quia & ipsam somniare
videt terrenam quandam conversationem in posterum continu-
andam: quò clarissimè intendit illa ratio, *Nondum enim ascendi*
ad Patrem meum; ubi non terrenum sed cœleste regnum auspi-
caturus erat, cœlestia bona Magdalenaë & omnibus in se credenti-
bus